

حبيبي هاجرني



حبيبي هاجرني وسابني
وساب لي ذكريات
حب ضاع وقلب
في بعده مات
عمري اللي عشته
أيام جميله
من زمن فات
كان حبيبي معايا
ما عرفتش سكتنا
الأحزان والأهات
ماكنتش تفارق
وشوشنا الإبتسامات
و كنا بنضحك
في عز الأزمات
مفيش شيء يهمنا
وإحنا مع بعضنا
حبنا كان

يعمل معجزات
كل ده كان من
زمان فات
النهارده بنقول
عليه ذكريات
يعني العمر اللي فات
عبارة عن ذكريات
ما تتنسيش
عشان كده
النهارده وبكره
ما يهمنيش
في الماضي مع
الذكريات راح أعيش
فيها حبيبي موجود
ما هاجرنيش
راح أعيش الماضي
على إنه حاضر
وهو ذكرى ما تتنسيش

=====